



UNIVERSITÄTS-
BIBLIOTHEK
PADERBORN

D. A. Tractatus De Privilegiis Ecclesiae

Zanchi, Lelio

Veronae, M. D. LXXXVI.

Nonum Priuilegium.

[urn:nbn:de:hbz:466:1-61627](https://nbn-resolving.org/urn:nbn:de:hbz:466:1-61627)

Nonum Privilegium.

- E**CCLESIA gaudet privilegio, quod eius bona non possunt pro debito alieno obligari, & si quis esset tante temeritatis, ut ea obligaverit, suspenderetur ab omni administratione, tam temporali, quam spirituali, extr. de solution. capite secundo. Pontifex tamen hec sententia relaxari, quia summus Pontifex sibi absolutionem non retinuit, extr. de sent. excommu. cap. nuper, nec Episcopus pena predicta respicit, cap. quia periculosum extr. de sent. excommu. lib. 6. regula igitur talis est, quod nulli licet rem immobilem ecclesie alienare, neque agrum sub specialis hypothecae titulo obligare, & alienationis verbum continet conditionem, donationem, uenditionem, permutationem, & emphiteoticum perpetuum contractum, c. nulli de re. eccl. non alien. sed alienatio ecclesiarum rerum, aliquando fieri potest, dum altero de quatuor modis fiat, ex necessitate, ut si de fructibus ecclesie creditoribus satisfieri non possit, ex utilitate evidenti, ut quando rem meliorem consequitur autem hoc ius c. de sacr. san. eccl. & 10. q. 2. cap. hoc ius & c. sine exceptione 12. q. 2. ex pietate potest fieri alienatio, pro redemptione captiuorum, nam illa sunt uasa preciosa, quae redimunt animas a morte, ille verus thesaurus est, cap. aurum. Ex incommoditate, & ex re minus utili, cap. terrulas 12. q. 2. Ex solemnitate seruata antedicta fieri potest alienatio, permitente tamen auctoritate summi Pontificis, cap. ut super de reb. eccl. non alien. sed si praelatus iurauerit non alienare, non obstante tali iuramento, poterit alienare res modici momenti, Abb. in d. capitulo ut super sed nam res modica est exempta ab omni solemnitate, d. ca. terrulas sed quid si in alienatione consensus alicuius capituli requireretur an sufficiat consensus praesentium, an necesse sit receptare absentium consensum, concludunt Inno. Hostie. in cap. 1. de his quae fi. a prael. & ibi idem tenet Henri. Bohic. idem tenet Card. Flo. in d. cap. 1. & sequitur Ant. de Butr. per regulam positam in glo. in cap. presentium extr. de test. ubi dicit quod absentes non sunt vocandi, nisi in tribus casibus ibidem expressis, inter quos, non cadit praesens questio, sufficit igitur cui praestetur consensus, tunc praesentium, forma antedicta seruatur in alienatione ecclesiasticae rei, ut ut in d. c. ut super sed an prohibita sit alienatio rei mobilis, & im-

mo-

mobilis vnde distinguendum, quod res aliquę sunt quę seruando seruari possunt, & hęc non alienantur, nisi solēnitate præmissa, & sunt im mobilia, l. tutores la 2. C. de administra. tut. & cap. ius de his quę fi. à præl. Alber. per autem hoc ius. C. de sac. san. eccl. quod mobilia quę seruari possunt alienari possunt sine prædicta solēnitate, prout sunt animalia, & hoc nisi dicta animalia sint ad vsum cultunquę diuinū destinata, nam tunc locum obtinebit, autem præterea, C. de sacro san. ecclesi. vt nisi ex vtilitate, & necessitate veniant alienanda, sed an alienatio fieri possit sede vacante, si sumus in re quę seruando seruari non potest, tunc capitulum vel æconomus absque alia licentia alienare potest, & alienatio tenet, cap. 1. ne sed. uac. si vero sunt bona quę seruari possunt, alienatio fieri non potest, si- ne licentia Papæ, arg. d. cap. 1. ne sed. ua. & cap. 1. de reb. eccl. non alien. † alienationes in casibus permissis valent dummodo non sint factę a scismaticis, cap. 1. 12. q. 2. immo emptores tenentur ad restitutionē fructuum tam perceptorum, quàm percipiendorum, capitu. si quis præbyterorum de reb. ecclesi. non alien.

S Y M M A R I V M.

- 1 Legatum factum ecclesię de rebus immobilibus prælatus repudiare non potest.
- 2 Legatum censetur acquisitum ecclesię etiam si ipsa esset ignara.
- 3 Pupillus repudiare non potest fundum sibi legatum cum non possit alienare.
- 4 Solemnitas requiritur quando alienatur res quę ab ecclesia possidetur.
- 5 Prælatus in acquirendo non potest facere conditionem ecclesię deteriorem.
- 6 Legatum donationem absque debita solēnitate prælatus repudiare potest.
- 7 Donatio non acquiritur nisi uolenti non autem ignorantī.
- 8 Donatio facta ecclesię sub modo statim efficitur ecclesię.
- 9 Conditio tacita non facit legatum, vel donationem conditionalem.
- 10 Prælatus in acquisitis ecclesię non potest nocere.
- 11 Modus appositus vt causa finalis in contractibus ob modum non seruatum reuocatur secus si modus non fuit causa finalis contractus.
- 12 Modus semper presumitur quod non sit causa finalis contractus, qui donans ecclesię videtur donare propter Deum.